

湖北府縣志輯

中國地方志集成

光緒朝安徽志

# 中國地方志集成

湖北府縣志輯 ⑫

光緒德安府志

江蘇古籍出版社 ● 上海書店 ● 巴蜀書社

德安府志序

周禮小史掌邦國之志志爲郡邑實紀守斯郡者欲周知幅員廣袤山川夷險物產豐歉風俗樸漓與大士習民情流風善政節孝忠義錢穀兵農皆披覽全志以得之非是則諮訪難遍卽欲有所設施亦無以爲取鑑垂型之準光緒庚辰予來守是邦甫下車卽索觀府志據佐無以應予意德安古江夏名郡魏科顯宦代不乏人鴻儒鉅製夫豈無傳細詢之知府志不修二百年矣舊志爲康熙二十四年乙丑傅君繡水所修綜一府六州縣爲之志雍正七年己酉析府屬之孝感隸漢陽府其德安府志卷之首

序

事之別於德安者可不贅然自乙丑訖己酉四十五年中之事之麗於德安者亦不能不存蓋自傳志後無續刊補訂之書年湮代遠文獻無徵道光癸卯年始刊有安陸縣志安陸附郭邑其志載府與縣事綦詳而或畧於他縣其他雲城隨應各有志詳於縣而畧於府如聚室以處而別戶分門同道以趨而歧途異轍府志所以必修也但修之難其人耳前守羅君旭莊周君景垣皆欲修府志而志不果成豈其時之尙有待耶壬午歲大中丞彭公芴亭修湖北通志刊列條章檄修府志夫府志爲省志之本縣志尤府志之資集都人士而議之僉

應以難詰其故曰典籍糾蝕者舊長是則徵引難兵燹頻仍閭里虛耗則資費難而且人心如面意見各歧則秉筆尤難余曰否否天下事奚以難辭亦視其當爲者爲之而已府志爲一州四縣事蹟所關風化所繫政教所資況自戎馬倥傯以來治亂之循環人事之得失風土人物之興衰與夫義士貞女殉難捐軀皆宜勒諸簡編以垂之久遠畏其難而不修遂聽其日銷月剝傳信傳疑後之人卽欲起而修之亦惆恍無憑而湮沒不少矣爰檄各州縣采訪遺事補綴舊文賁送來府寒暑屢易始克成編余覽之竊自幸曰此固二百餘年所未成德安府志卷之首

序

者今成矣余其成之之人而能獨任其成耶亦幸際其時尤賴諸君子操鉛握槧相與勞心協力以襄厥成耳因記其顛末而爲之序

光緒十四年戊子七月武備院卿銜知德安府事長白

廖音布撰



續修德安府志序

郡之有志尚矣然躬其事者非深切夫人心世道之憂力持夫實心任事之願即具過人之才之學之識亦難歷久遠而漸底於成則此舉誠非易易也德安郡志自前明正統間范公理訪續成書以越隆慶隨續隨佚至我

朝康熙二十四年郡守傅公鶴祥網羅散失續緝付刊雖分門別類編次未臻盡善而收勝國灰燼之遺鳴昭代書文之盛存千秋彰輝之實為百世觀感之資厥功亦甚偉焉迄於今又二百有餘歲矣光緒七年賡君德安府志卷之首序

余奉命來守是邦安陸張子德森應城楊子在渭持以示余屬為之序案牘之暇詳加披覽見其規模宏遠體制謹嚴而於忠孝節義數大端苟有一節之長片善足錄靡不旁搜博採闡發無遺俾後之覽者至忠孝則相動以天至節義則相肅以禮默化焉潛移焉其有功於人心世道者良非淺鮮於以歎諸君之實心任事不可及而因以慰賡君於九泉者為已至也余不敏未及躬親其

事而徒坐享其成納手捫心能無自愧然或藉此志之傳而人心愈進而樸茂世道愈進而敦龐優而游之以臻上理是又余所深賴於諸君纂修之功而有厚望者也是為序

光緒十五年己丑仲夏知德安府事樂平汪元慶撰



德安府志卷之首

序

二

德安府舊志序

德安郡志自隆慶間纂修未幾歷久無傳百有餘年矣豈曰無人乃敢然不續者蓋慎之也固陋如鶴祥承乏茲土簿書執掌軍需奔馳刑名錢穀日不暇給卽有志修明一行作吏毋論愴慨於魯靈模糊於石鼓卽朝獵夕疏不過撫拾舊聳踵事增華而已求其上稽古人傳信後世蓋戛戛乎難之

今上聖神文武薄海內外一道同風

論部臣檄各省修理志書

各憲奉宣德意命鶴祥纂修郡志鶴祥用是兢兢焉不  
德安府志卷首 舊序

敢卽安爰請紳士之博者而禮之於雲夢得李君士  
茲於安陸得萬子年觀及教授郭更名教諭汪紹遠  
將州邑舊志分讐互校增捐訪緝取其傳信而止凡  
閱月而成編昔新唐書紀表志出於歐陽永叔列傳  
出於宋景文乃各標名卷首不給蒙襲今分纂合構  
志既竟禱帶險易如也物華人瑞炳如也土貢民  
俗秩如藹如也以視世之陳陳相因臚篋無當者則  
有間焉顧鶴祥因之而有進焉德安爲古鄖子國路  
當數省孔道三關雄峙爲楚北門滕元發雖稱忠厚  
有鄒魯遺風然田地瘠瘠民無蓄積自明迄今無歲

不有軍旅之役今賴

聖天子威靈擴清甯宇

各上憲日申政令而休息之鶴祥亦得仰承盡力以求  
無負厥職昔禹功成而禹貢作周道隆而周官著則  
斯志之成問猶有昔窳而偷生者歟輕果剽悍而軌  
法者歟問猶有士譁於學幸曠於伍甲侵乙移此訟  
彼計而憂及長吏者歟有之是俗不古若大非滕元  
發之所云矣抑安用此志爲哉夫志者志也庸人之  
志在一時君子之志在天下後世書曰訓告教誨又  
曰毋卽怙淫自鄉先達及耆舊老成各勵其邦之人  
德安府志卷之首 舊序

二三有位各撫其治之民以求其所以爲志之心將  
風俗日厚節義日彰庶不負

聖天子與各憲愛民之至意是不但鶴祥之幸實一郡  
之幸也又不但一郡之幸寔千百世之幸也今史臣  
纂修一統大志採風問俗則此一郡之文獻或可少  
襄

聖朝同文之治庶幾古者小史邦國志之遺意云

康熙二十四年乙丑仲秋湖廣德安府知府加四級傅

鶴祥謹撰

德安府舊志序

周官職方氏掌天下之圖小史志邦國外史志四方而又有土訓誦訓之屬法制由此立教化由此行焉蓋郡之有志猶國之有史也然史官之職貴乎嚴而志籍揚厲義取乎實史經館閣之志一朝廷一朝大政志則山川之圖籍制度之沿革財賦之會計以及戶口之登耗風氣之清濁所以漸濡其心志而變化其耳目者誠視乎主持之人爲累禩徵文考獻之資故史之成也一定不移志之修也因時而參訂文有妍媸之別事有真贋之殊若憑私挾臆出入失當傳

德安府志

卷之首

舊序

三

信之謂何此志之所由與史並重也德安古鄖子國爲南郡上流北接申汝東界荆城西連荆郢南達江漢負山環水延數百里楚北一都會也前此重罹兵燹凋瘵甚於他郡我

國家景運方新生聚教訓閱數十年而鄖之土宜風俗蒸蒸日上變今

聖天子文教覃敷禮明樂備一統之志八紘之圖以次纂

修繕繪

郡伯傅公本世閱之練達展名儒之經術海內推爲景卿泣卽七載仁漸義摩窮鄉深谷無不洞悉幽隱

其興文治督壅闢葺雉堞弭奸宄持體寬大蠲除煩苛一切斥弊興利之政師帥六屬綱舉目張矣毅然纂修郡志以仰符

功令用垂久遠唯慮曩帙散落邑乘燕廼謂蒐計博則核信有徵釐剔嚴則臧否不紊辨晰精則亥亥勿譌網羅舊聞綜攬輶牒以龍門之才而兼董狐之筆退食之餘朱墨點之必手交并芟繁補闕經厯寒暑稟爲典要乃命士竑與吉陽萬君就局分編萬君尤諳於故實良史才也討論之功居多焉襄事則郡博西陵郭君鄂州汪君又皆經史宗工士林僑盼共相編

德安府志

卷之首

舊序

四

摩條貫周詳遂成一代典章炳炳麟麟猗歟盛哉史自功范而後咸推歐陽永叔公振起修明文章經濟直爲比肩豈非人與文交萃而成美善歟禮曰修其教齊其政後之勤治者披卷而鏡百世以上不下堂而周知方域之間觀其峙流險塞雲物祥祥而思其所以勵精明作綢繆保障也觀其供賦之盈絀捐免經制之興革沿廢而思其所以政修人和道一風同也觀其物產貨殖性情俗尚而思其所以好惡取舍敦本抑末也觀其忠孝節烈之闡揚名宦寓賢隱淪才藝之接踵而思其所以端操勵行培養風示也豈

膏覽形勝而徒侈章洪濶湏之巨麗景名賢而徒羨  
范謝李宋之芳躅稽人物而徒美閭黃許鄭之志節  
哉法制立而勸戒備教化行而熙洽臻採風者有所  
據訓俗者有所本於以翼贊鴻猷光勸郵治則鄖志  
豈不與

國史並昭哉士竑編氓陳人不揣迂疎竊附於盛舉之  
末有榮施焉

賜進士出身原任揚州府江防同知加一級李士竑頓  
首拜撰

德安府志

卷之首

舊序

五

德安府舊志序

年觀學疎才淺十聞不售自廿夜羅者久矣仲秋之  
朔辱

郡伯傳憲公祖折簡左顧以志事下委年觀固辭且讓  
公曰尚有雲邑李君郭汪二學博共襄厥事勿患弗  
成子曷辭焉於是適館授餐且進而教之曰鄖屬州  
邑已各有志矣郡志挈其綱母費辭勿傷雅母率臆  
母濫竽子其謹之以彰

聖

天子車書一統之盛事年觀因拜而卒業竊念郡志弗  
作百有餘年其間世亂而復治地危而復安政教失

德安府志

卷之首

舊序

六

而復修夫耳食尙訛於隔里賢佞或淆於當時欲以  
百年以後之末學而上稽百年以前之文獻不其難  
歟顧三君子皆賢者能揚摧舊聞搜羅往事者也  
郡伯傳憲公祖又以清貞介石之操出玉尺金鏡之才  
共爲裁成觀雖不敏亦不過侈游夏之遭逢以自藏  
其固陋爾昔歐陽文忠作五代史劉壯輿輩尙指摘  
其短志云乎哉年觀識兒弁鄙管窺蠡測雖無當高  
深然櫻欄居楔與櫨薄而並蓄芝苓參尤合薑桂以  
兼收有舊

國恩恭逢

盛舉惟竊附工督之末祝無疆之景運云爾  
康熙乙丑歲仲秋下澣郡後學萬年觀謹撰

德安府志

卷之首

舊序

七

舊志序

正統間修郡志序不存成化間修志郡人張瓚序正德間修志北郡李夢陽序隆慶間修志未錄無序今錄張李二序俾後有攷焉

陳士元撰

吾郡故有志世遠莫可徵前守天台范侯理正統間訪故志而續之蓋四十年於茲矣山川人物興建事實多簡畧覽者病之成化乙未長垣王侯璽以攷功副郎來守吾郡勤於問學精於政事慨郡乘舛訛銳意重修屬郡中多故未遑也適湖廣按察副使山陰薛公綱奉命督學首詢郡志侯曰可以成吾志矣時余以內艱除禪

德安府志

卷之首

舊序

制侯以余爲郡人習聞郡中事俾櫟括焉於是採閱續志蒐戢史書理是非於陳編益見聞於新得分門別例銓次編摩總八卷凡三閱月畢乃質成於侯重加校訂証補闕畧始爲成書侯命工壽梓以傳且需予言爲首引於戲郡乘載一郡事也以一郡上下數千年之事登載一乘使人不出戶而知山川形勝不同世而識人物賢否不咨詢諷悉而達人情審風俗不懸地臨政而辨物產察地利是郡乘所係之重如此余荒疎寡昧任此編集如前云郡乘所係之重則取愧多矣

張瓚記

知府馬君龠修其府志成而謂其同知陶君龍者曰嗟

志誰序者於是同知龍求序李子李子曰夫志觀者有焉而徹於道夫志必綜古今該名實訂覈驗識發之必才此可以觀學學以昭事以布文褒貶必真臧否以之義例燦焉此可以觀政躋邇信遠繼懲勸繩有類乎史可以觀世昔者聖人之於文也於史焉急故曰知我罪我其惟春秋其說禮也又謂杞宋之不徵也何也國非文不興也郡邑者固國也文以足之學闡政立因志以彰民志必興故曰可徹於道故道而政則其政義政而學則其學據學而文則其文邃文而志則其志信同知龍曰馬汝載之爲府也於時德安有干戈之事險易俱備寇平以問汝載汝載曰予蓋得夫山川焉問賦役平曰予蓋得夫戶口焉問人不愛其情曰吾得諸風俗問訟獄省曰吾得其美惡真問教興曰祀神恭士禮民厚問廢舉曰先其大者焉爾故其志申施彰理本之政擴蘊揮聚本之學持例發凡祖之史摘精授華歸之文考規承則範乎世是故其志譜古今備嚴名實兼公去取衷宏易勸易懲李子曰馬子知道哉一志而四善有焉夫小白大邇自遠故曰遠大之至於可以觀馬子之

謂矣  
李夢陽撰

德安府志

卷之首

舊序

二

德安府志卷首

凡例 十四則

一德安之有郡志其來已久明正統間知府范公理訪舊志而續之成化間郡人張瓚序言之甚詳越正德隆慶三次續修惜皆散佚無攷

國朝康熙乙丑郡守傅鶴翔延雲邑李弱侯士竑安邑萬霍受年觀二前輩再事編輯始輿圖終藝文分三十一門合二十四卷考據詳贍誠地志善本也惟其門目既無統紀編次亦嫌雜施如列祠祀於選舉後置雜記於藝文前體例未純不無可議茲仿畿輔江

德安府志

卷之首

凡例

西通志例分爲十門曰地理曰建置曰賦役曰學校曰武備曰職官曰選舉曰人物曰藝文曰雜識每門各繫子目不更爲小序以避雷同庶幾綱舉目張有條不紊

一府志歷二百年未修軼事茫如捕風幸道光癸卯安陸李志附載郡中官廨學宮職官諸類頗詳得以尋緒搜求不致湮沒然道光以後兵燹頻仍卷冊無攷遺漏尙恐不免

一地志首重輿圖志以立圖之根柢圖以顯志之脈絡也舊志各圖不無簡略茲仿通志局給發興國州圖

式兼按各州縣志所記山川疆域記里開方便閱者  
開帙瞭然無煩聚米

一德安統隸分合歷代各有不同今纂輯各門總以現  
在疆域爲斷如舊志所載孝感一縣今既改隸漢陽  
應從刪汰然其屯田營汛尙隸德安故仍遵舊志錄  
入以備掌故

一攷訂沿革最宜詳謹戴震嘗謂地志沿革不明則山  
川人物無一不誤洵知言也茲重加釐定分條疏證  
且作表以明之至星野一門武功志不載自是卓識  
然有分土則有分星舊說相仍未敢全刪故仍錄存

德安府志

卷之首

凡例

二

其略并遵

皇朝中外一統輿圖式用經緯二線測府城距 京師  
偏西及西北極出地度數以地測天其理實有憑也  
一府志載筆較縣志稍殊府志如沿革山川城郭關隘  
祠祀公廨所關甚大紀載不容不詳至鄉鎮津梁冢  
墓坊表等類較縣志稍略者縣志紀其詳府志舉其  
要體例固自不同

一名賢體魂所留山川因而生色湮沒無攷憑弔者未  
免有荒烟蔓草之悲此冢墓所以附古蹟也若人匪  
名賢雖高華穹碑無關輕重卽名賢而距今未遠其

子孫松楸常護禾黍無嗟亦無煩記載之瑣故王象  
之輿地紀勝冢墓無及本朝也茲仿其例斷自前明  
此外概不登載至寓葬名賢不在此例

一功令凡奏請入名宦鄉賢者必其子孫無現任九卿  
及三品外官始臚列其人事實不得以虛詞填砌又  
近年奏定新章鄉賢名宦必身後三十年乃許奏請  
湖南北兩省新修通志於人物一門亦遵此例其非  
有實行可紀居官而但曰清慎廉平勤心撫字居家  
而但曰端品勵學孝友無虧及雖有可稱而爲時太  
近者概不登錄今擬仿而行之於新志所錄甯使暫  
有遺珠不敢貽譏後史

德安府志

卷之首

凡例

三

一鄉賢名宦乃奉

勅崇祀之人非志乘所敢私許但其人雖未蒙題 旌而  
事蹟殊難湮沒特仿通志例於官職作列傳人物則  
分仕蹟儒林等子目其鄉賢名宦皆統列其中按傳  
註明庶幾名實相稱既無溢譽亦鮮苛求

一各志於科貢武選外多列例選封蔭兩目然自成豐  
軍興廣開事例殷實之戶率以數十百金邀高秩而  
府崇封里巷相望書不勝書茲擇已補實缺及曾經  
署任者列入例選若候補候選及保舉虛銜者不載

封蔭一門近日省志例斷自實任四品府志較省志稍寬今擬文七品武四品爲斷貤封則但錄本身祖曾不及旁封累贈累封書其秩之大者婦人不書本身不書皆遵舊志例也

一列女一門舊志所載較略茲據各州縣志全數錄入其有奇行者略書本末餘則列諸表中以存其人至時代先後多無稽攷仍依各志次第分載其節孝坊額卽附載各名下

一藝文止載書目倣諸漢書凡各傳所載原奏疏等篇盡收入本傳其本傳所無而別見於他書或文非本

德安府志

卷之首

凡例

四

人所撰而於本人生平可備參考者亦逐條分註傳中若詩文則略採一二用范成大吳郡志例分註各條下以備省覽

一百家故老野史稗官所載草木禽獸之禡祥繇流黃冠之靈異其遺文軼事爲嗜奇好古者一助則皆概歸雜識雜識所收較寬石言神降史傳不廢然必足以昭勸誠資考鑒者庶不爲大雅所呵

一志例采錄正雜各史必註明出某書卽引用原文但有刪節而無臆改至舊志及各州縣志原有案語悉書舊志與各志別之管蠡之見則書案語俾閱者一

目了然不致相溷

德安府志

卷之首

凡例

五

主修

武備院卿銜特授德安府知府 賡音布

鑒定

三品頂戴特授德安府知府 汪元慶

佐修

前護理德安府事同知銜特授安陸縣知縣 蕭雲

代理雲夢縣知縣 司徒袞

同知銜特授應城縣知縣 程政堃

同知銜署理隨州知州 藍佩青

同知銜特授應山縣知縣 張樞

德安府志 卷之首 職名 一

總校

主講經心書院湖南舉人 杜貴墀

纂修

前浙江補用道衢州府知府 劉國光

辛酉拔貢癸酉科舉人內閣中書 王承禧

辛酉拔貢 陳學達

丙子科舉人揀選知縣 席祖椿

恩貢 卽選教諭 張德森

丁卯科舉人 趙聯城

丙子科舉人 李春澤

協修

甲子科副榜候選教諭 楊武環

恩貢 程邦彥

廩生 許廷銓

增貢 卽選按照磨 易愷

廩貢 李華林

己卯科舉人 杜本芳

己酉拔貢 陳本封

廩生 左樹瑛

歲貢 魏章鍊

德安府志 卷之首 職名 二

監修

州同銜 楊在渭

三品封職 陳學滙

四品封職候選鹽提舉 劉葆光

分纂

刑部山東司郎中知府銜 李慈澤

知府銜陝西候補知州 范潔耀

癸酉科舉人署鍾祥縣教諭 白楚彥

校對

壬午科舉人揀選知縣 張蔭善

乙 西 科 舉 人

劉榮進

乙 西 拔 貢

陳問巽

乙 西 拔 貢

陳培蘭

同 知 銜 金谿縣知縣

羅榮緒

採訪

連 同 銜 候 補 同 知

王魁戔

二 品 封 職

陳昌齡

附 貢

左桂清

候 選 道

王延春

江蘇同知銜補用知縣梅廷俊

德安府志

卷之首

職名

三

恩 貢 卽 選 教 諭

涂嵩慶

督梓

特 授 德 安 府 經 厯

胡維祺

特 授 安 陸 縣 典 史

路步衢

收掌

文 生

徐紹遷

檢查文卷

府 書

朝天相  
董德彰

府 書

徐奎元

吏 員 安 陸 縣 書

皮克誠

德安府志目錄

卷首序

新序 舊序 輿圖 職名 目錄

卷一地理上

凡例 沿革 沿革表

卷二地理中

疆域 形勢 關塔附 山水

卷三地理下

古蹟 金石 墓域附 風俗

卷四建置上

城池 衙署附 公署 京都會館附

卷五建置下

隄防 井附 津梁 坊表

卷六田賦

戶口 田地 丁銀 漕米 積改

卷七學校

屯田附 社倉附 學額 學田

卷八武備

軍制 軍器 義學 義學

德安府志

卷首

目錄

八

卷九職官上

郡職 縣職

卷十職官下

列傳

卷十一選舉上

薦辟 孝廉附 進士 舉人

卷十二選舉下

五貢 例選 封廕 世職附

卷十三人物一

仕蹟上

卷十四人物二

仕蹟下 儒林 文學

卷十五人物三

忠勇 殉難

卷十六人物四

孝友 義行 隱逸 方術 耆壽

卷十七列女

歷代列女 節孝 割股附 貞女

卷十八列女

節孝 割股附 貞女 烈婦

卷十九藝文

書目 經史子集

卷二十雜誌

祥異 仙釋

卷末

補遺

德安府志 卷之首

目錄

九

德安府志卷之一

武備院卿銜德安府知府賡音布主輯

地里上

星野 沿革

星野

翼軫荊州

史記

翼二十二星十九度軫四星十七度

甘石星經

軫星散爲荊州分爲楚國荆之言彊也陰盛物堅其氣

急悍也

春秋元命苞

起張十三度至軫七度爲鶉尾荊州分

費直周易

黃帝分星自張十八度至軫十一度爲荊州

皇甫謐帝王世紀

自張十八度至軫十度曰鶉尾之次於辰在巳謂之大

德安府志

卷之一地里上

星野

荒落於律爲夷則斗建在申今楚分野

同前

北斗玉衡第七星曰衡四星曰權主荊州常以五卯日

候之乙卯爲南陽

星經

旅于明年之次以害鳥帑周楚惡之

左傳

南爲朱鳥鳥尾

曰帑周楚之分

杜注

左傳昭三十一年十二月辛亥日食在辰尾史墨占六

年吳必入郢終亦不克盡蓋以先四十一日庚午日

已有變氣午位南也楚位也庚午有變故知楚災午


火勝庚金故知楚復後吳入郢昭王奔雲夢走鄖及

隨卒復國中興

雲夢志

# 德安府全圖

德安府地輿全圖 每方二里



# 安陸縣輿圖

二

安陸縣輿圖 每方十里

